



Dīina yaa maan pu-peelem

Yii a Tamiim Addaary nengē -Wënd yard be a yīnga- ti Nabiyaamã -Wënd puusg la A tigr be a yīnga- yeelame: «Dīina yaa maan pu-peelem» ti tōnd yeele: ne ānda? T'a yeele: «ne Wënd la A Gafã la A Tēn-tuumã la lslaambã taoor rãmba la b zãngã».

[Naşun Şahuhun (Gom-sikdem sēn manege)] [A Muslim n togs-a]

Nabiyaama kōo kibare ti dīinã yāsa pu-peelem zugu la sīda, sēn na yil n maan-a wala Wënd sēn saglã, t'a yaa sēn pidi n ka booge zãmb ka be a pugē. Ti b yeel Nabiyaamã -Wënd puusg la A tigr be a yīnga-: yaa ānd la pu-peelemã maan ne? T'a yeele: Rēenem: yaa maan pu-peelem ne Wēnde A naam yi wagelle n zēke: ne tuuma yilgre Wënd A yembr yīnga, la a ra maan lagm-n-taar ne-A ye, la d kō sīd ne A Wēndimã la A Sobendã, la A Yuyã, la A Stf-rãmbã, la A yellã zısgre, la bool n tug kō-sīd ne-A. Yiibu: yaa maan pu-peelem ne A Gafã yē me la Alkurāan wagellã: ne d sēn loe n wãag t'a yaa A goama, la A gaf-rãmba baasdga, la a yēesa sãri-rãmbã sēn deng-a taorã, la d zısg-a la d karem-a kareng sīd-sīda, la d tum ne a buudã, la d sak n pug a maana-gēdmã, la d zab ne kedgdbã wels yoodã a pugē wã, la d paam yam ne saglsã, la a bãngrã sēgre, la bool n tug-a. Tãabo: yaa pu-peelem maanego ne A Tēn-tuumã a Muḥammad -Wënd puusg la A tigr be yīnga-: ne d sēn na n loe n wãag t'a yaa tēn-tuumã baasdga, la d sīdg-a a sēn wa ne bũmb ningã, la d sak a sagellã, la d zãag a sēn gıdgã, la d ra tũ Wēnde rēnda ne bũmb ning a sēn wa ne wã, la d zısg a hake wã, la d waoog-a, la d sēeg a Boollã la a sãri wã, la d tus rōdbã n yi-a. Naase: yaa pu-peelem maanego ne lslaambã zut rãmba: ne b sēn na n sōng-ba, la b ra maan-b tak-n-taar yellã pug ye, la d wum la d tũ ti sã n yaa yell sēn yard Wēnde. Nu: yaa lslaambã maan pu-peelem: ne maan neer n tug-ba la bool-ba n tug dīinã, la yōk nang n bas-ba, la sōma nonglem ne-ba, la tum ne-ba manegr pugē la Wënd zoere.

<https://sunnah.global/hadeeth/mos/show/4309>

